



Headlines

- केंद्री मंत्री जे.पी नड्डा होरें राज्यसभा च भरोसा दोआया जे डॉ. फारूक अब्दुल्ला हुंदे पर होए दे हमले दी जांच कीती जाह्ग।
- साबका मुखमंत्री फारूक अब्दुल्ला हुंदे पर हमला करने आहले बारै पुलसै जांच शुरू कीती।
- मुखमंत्री उमर अब्दुल्ला होरें उच्च सतह दी बैठक च .. समीम तैहत प्रदेश च तोढ चाढे जा'रदे कम्में दी अमलावरी दा जायजा लैता।
- पुंछ दी कई सारी थाहें पर एन.आई.ए नै छापेमारी कीती, एहू छापेमारी आतंकवादिं गी रपेआ-पैसा उपलब्ध करोआने बारै ऐ।
- जम्मू-कश्मीर सरकार नै सरकारी छुट्टियें ते तारें आहले दिन ड्यूटी करने आहले सेहत ते चिकित्सा शिक्षा मैहकमे दे नान गैजेटेड कर्मचारिं दे इक च ढाई दिनै दी तनखाहू देने सरबंधी मामले च इक कमेटी दा गठन कीता ऐ।



Nadda Farooq Attack

राज्यसभा च सदन दे नेता जगत प्रकाश नड्डा होरें भरोसा दोआया ऐ जे जम्मू-कश्मीर दे साबका मुखमंत्री फारूक अब्दुल्ला हुंदे पर होए दे हमले दी व्यापक जांच कीती जाह्ग। विपक्ष दे नेता मल्लिकार्जुन खडगे हुंदे आसेआ पुट्ठे गेदे मुद्दे पर नड्डा होरें आखेआ जे सरकार इस मामले गी गंभीर कन्नै लै करदी ऐ। नड्डा होरें आखेआ जे केंद्र सरकार वरिष्ठ राजनेताएं सने हर नागरिक दी सुरक्षा आस्तै बचनबद्द ऐ। उनें आखेआ जे एहू गंभीर चिंता दा विशे ऐ ते सरकार एह्दी व्यापक जांच यकीनी करोग।



Farooq Attac k Probe

पुलिस नै जंदी रातीं जम्मू च इक्क ब्याहू समारोह दरान साबका मुखमंत्री ते नेशनल कांफ्रेंस दे अध्यक्ष फारूक अब्दुल्ला हुंदी हत्या करने दा प्रयास करने आले कमल सिंह जम्वाल दे बारे ब्यौरेवार तफ्तीश शुरू करी दिती ऐ। आकाशवाणी जम्मू दे संवाददाता नै खबर दिती ऐ जे पुलस 63 बरें दी बरेसू दे कमल सिंह जम्वाल दी निजी ते सामाजिक जिंदगी बारै पता ला करदी ऐ। एह्दे अलावा पुलस हत्या दे प्रयास पिच्छे मकसद दा पता लाने गितै

ओहदे केहडे-केहडे संगठनें कन्नै सरबंध न, ओहदे बारै बी पता ला करदी ऐ। तोआई, डॉ. फारूक अब्दुल्ला होरें इस घटना बारै अपनी प्रतिक्रिया दिंदे होई आखेआ जे उप्पर आहले ने उनेंगी बचाई लैता ऐ

इयां गे डॉ. अब्दुल्ला हुंदे पर हमले बारै प्रतिक्रिया दिंदे होई उपमुखमंत्री सुरिंद्र चौधरी होरें आखेआ जे एह स्वता सुरक्षा च चूक होई सकदी ऐ।

कमल सिंह जम्वाल गी जम्मू सिटी अदालत नै 5एं दिनें दी पुलस हिरासत च भेजी दित्ता ऐ।

<><><><><><>

Attack-Condemnation

जम्मू ते कश्मीर प्रदेश कांग्रेस कमेटी दे अध्यक्ष तारिक हामिद कर्रा होरें साबका मुखमंत्री डॉ. फारूक अब्दुल्ला हुंदे पर होए दे जानलेवा हमले दी निंदेआ कीती ऐ। उनें जोर देइयै आखेआ जे जेड़ा बी इस लेई जिम्मेदार ऐ, ओहदे पर कनून तैहत कार्रवाई होनी लोड़चदी। आकाशवाणी जम्मू संवाददाता दी रिपोर्ट मूजब पी.सी.सी नै इस घटना दी सख्त लफजे च निंदेआ कीती। उनें आखेआ जे इयै नेइयां घटनां बड़ियां गै झंकझोरने आहिलियां ते चिंताजनक ना। बीजेपी दे नेता जेहानजेंव सिखाल होरें बी इस हमले दी निंदेआ कीती।

<><><><><><>

CM-SASCI

मुखमंत्री उमर अब्दुल्ला होरें केंद्र शासित प्रदेश च एस.ए.एस.सी.आई स्कीम तैहत तोड़ चाढे जा'रदे कम्में दा जायजा लैता। अधिकारिक प्रवक्ता नै दस्सेआ जे मुखमंत्री होरें मुतल्लका अफसरें गी हिदायत दिती ऐ जे ओह समें सिर कम्में गी सबूरा करन ते परियोजनाएं दी कारगर ढंगै सिर निगरानी पर जोर पाया। उनें जोर देइयै आखेआ जे स्कीमें दे लाहू जमीनी सतह पर पुज्जने लोड़चदे। मुखमंत्री होरें अफसरें गी हिदायत कीती जे ओह समें सीमा दा पूरा ध्यान रक्खन ते कुसै बी प्रोजेक्ट दे फंड दा पूरा ते सेई ढंगै सिर इसतेमाल यकीनी करन।

<><><><><><>

Coach-Attached

उत्तरी रेलवे दे जम्मू रेलवे डिविजन नै यात्रिएं दे रश गी दिखदे होइ, जम्मू न्यू दिल्ली राजधानी एक्सप्रेस च बाद्दू थर्ड ए.सी कोच आहली सुविधा गी अगगे बदाने दा फैसला कीता ऐ। आकाशवाणी जम्मू संवाददाता दी रिपोर्ट मूजब बाद्दू कोच जेड़े रेल गड्डी नंबर 12426 राएं 7 मार्च लेई उपलब्ध हे ते एह 14 मार्च लेई तय हे, हुन 13 मार्च ते 15 मार्च लेई बी उपलब्ध होइना। एहदा मकसद वेटिंग लिस्ट गी घट्ट करना ते यात्रिएं गी सहूलत उपलब्ध करोआना ऐ।



NIA

राश्ट्री जांच एजेंसी एन.आई.ए नै पुंछ जिले दी केई सारी थाहें पर छापेमारी कीती। एह छापेमारी आतंकवाद सरबंधी गतिविधिएं ते आतंकवादिएं गी रपेआ-पैसा उपलब्ध करोआने दे सरबंधै च कीती गई। सूत्रें मूजब एह छापेमारी एफ.आई.आर नंबर 7/24 दे सरबंधै च कीती गई। केई सारे व्यक्ति जेड़े आतंकवादी गतिविधिएं कन्नै सरबंधित न जां फही रपेआ-पैसा उपलब्ध करोआने च शामिल न, दे ठिकानें पर कीती गई ऐ। अधिकारिक सूत्रें दस्सेआ ऐ जे एह छापेमारी चला'रदी जांच दा हिस्सा ऐ।



Day's Pay

जम्मू-कश्मीर दी सरकार नै सरकारी छुट्टियें ते तारें आहले दिन ड्यूटी करने आहले सेहत ते चिकित्सा शिक्षा मैहकमे दे नारेंन गैजेटेड कर्मचारिएं दे हक च ढाई दिनें दी तनखाहू देने सरबंधी मामले च इक्क कमेटी दा गठन कीता ऐ। आकाशवाणी जम्मू दे संवाददाता नै खबर दिती ऐ जे सरकारी हुक्म मूजब कमेटी सरकारी अस्पतालें ते सेहत संस्थानें च छुट्टी आहले दिन कम्म करने आहले अमले दे कम्मकाज ते ओहदी लोढ दा जायजा लैगा। इस कमेटी दी अध्यक्षता सरकारी मेडिकल कॉलेज जम्मू दे प्रिंसीपल करइना।



Success-Story

उधमपुर दे सलमेरी ग्रांउ च मशरूम दी खेती करने आहले इक्क नौजवान करसान अभिषेक शर्मा अपनी मेहनत दा ईनाम हासल करा करदा ऐ। केंद्र सरकार दी योजनाएं ते राई-बाई मैहकमे आसेआ समें उप्पर मदाद ते समर्थन कन्नै अभिषेक शर्मा गी मशरूम दी पैदावार थमां अच्छी खासी औंदन होआ करदी ऐ। इस सरबंधै च अभिषेक होरें आखेआ जे ओह मशरूम दी राई-बाई गितै मार्गदर्शन ते सहायता लेई कृषि मैहकमे दे शुक्रगुजार ना। उनें आखेआ जे केंद्र सरकार दी योजनाएं उंदी काफी मदद कीती ऐ जेदे कारण उसी इस कम्मै थमां काफी औंदन होआ करदी ऐ। अभिषेक शर्मा दी एह कामयाबी खित्ते दे होरनें करसानें लेई प्रेरणास्रोत ऐ। इस बारै हो जानकारी दिंदे होई अभिषेक शर्माबाईट.....



PIB-Workshop

जम्मू-कश्मीर ते लद्दाख दे प्रेस इंफारमेशन ब्यूरो-पी.आई.बी नै प्रेस क्लब जम्मू च (वार्ता) नांउ कन्नै इक्क मीडिया कार्यशाला दा आयोजन कीता जेदा विशेषार हाए.आई इम्पैक्ट समिटा। इस कार्यशाला दा मकसद पत्रकारें कन्नै

गल्लबात गी होर मजबूत करना, राश्ट्री मसले उप्पर गल्लबात गी बढ़ावा देना ते पत्रकारें दी पेशेवर समर्थ च बाद्दा करना ऐ। निदेशक नेहा जलाली हुंदी अध्यक्षता च आयोजित कीती गेदी इस कार्यशाला दरान पत्रकारें दी आर्टिफिशल इंटेलीजेंस बारै समर्थ ते ज्ञान च बाद्दा कीता गेआ। माहिरें पत्रकारिता, संचार ते डिजिटल मीडिया च ए.आई दे बधदी भूमिका बारै पत्रकारें गी दस्सेआ-दसाया।

<><><><><><>

SHS-Visit Kishawar

राश्ट्री सेहत मिशन दे प्रोग्राम मैनेजर जितेंद्र मेहता हुंदी अगुवाई च प्रदेश सेहत सोसायटी दी टीम किशतवाड़ दे दौरे पर ऐ। एहू टीम नै डी.सी दफ्तर च सी.एम.ओ युद्धवीर सिंह कोतवाल, सारे बी.एम.ओ ते होर दुए सेहत अमले कन्नै बैठक लाई। इस दरान सेहत सरबंधी दिक्खभाल बारै केई सारे जत्रें ते प्रगति दा जायजा लैता गेआ। मुख् करी ध्यान सेवाएं गी होर मजबूत करने ते होर सरबंधी मामलें पर दिता गेआ। बैठक मगरा डॉ. मेहता होरें जिला अस्पताल किशतवाड़ दा दौरा लाया। उनें किशतवाड़ दे डिप्टी कमिशनर पंकज शर्मा हुंदे कन्नै बी मलाटी कीती। आकाशवाणी समाचार कन्नै गल्ल करदे होई डॉ. मेहता होरें आखेआ

<><><><><><>